

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2021/05, 01.02.2021թ.

Բողոք բերող անձ՝ «Ջատեգշին» ՍՊԸ

Պատվիրատու՝ «ՀՀ Արմավիրի մարզի Արմավիր քաղաքի թիվ 4 մանկապարտեզ» ՀՈԱԿ

Գնման ընթացակարգի ծածկագիրը՝ «ԱԲ-Թ4Մ-ԳՀԱՊՁԲ-21/1» գնանշման հարցում

Գնման առարկան կահույքի ձեռքբերում

Բողոքի պահանջը՝ պարտավորեցնել դադարեցնել՝

1. ընթացակարգի գնահատող հանձնաժողովի 22.01.2021թ. թիվ 2 արձանագրության 4-րդ կետով կայացրած որոշումը,

2. պայմանագիր կնքելու մասին որոշումը:

Ընթացակարգի գնահատող հանձնաժողովին հանձնարարել «ՋԱՏԵԳՇԻՆ» ՍՊԸ-ի կողմից ներկայացրած հայտը Ընթացակարգի 1-ին, 5-րդ, 6-րդ, 8-րդ և 10-րդ չափաբաժինների մասով ճանաչի առաջին տեղը զբաղեցրած մասնակից, ինչպես նաև հանձնարարել պայմանագրի կատարման ժամկետը հետաձգել:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ
ՔԱՐՏՈՒՂԱՐ՝ Ռ. ՄԿՐՏՉՅԱՆ**

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

ՀՀ ԳՆԱՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁԻՆ

Բողոք բերող՝ «ՋԱՏԵԳՇԻՆ» ՍՊԸ

Հասցե՝ ՀՀ, ք. Երևան, Նար-Դոս 1շ., քն 31,

Հեռախոս՝ 094 08 08 00

Էլ.փոստ՝ jateg-llc@rambler.ru և janoyan-tigran@mail.ru

Այն բանի անվանումը և հաշվեհամարը, որին բողոքը բավարարվելու դեպքում պետք է հետ փոխանցվի վճարը՝ «Արդշինբանկ» ՓԲԸ-ի Հ/Հ 2472303861430000

Պատվիրատու՝ «ՀՀ Արմավիրի մարզի Արմավիր քաղաքի թիվ 4 մանկապարտեզ» ՀՈԱԿ

Հասցե՝ ՀՀ, ք. Արմավիր, Մաշտոցի 32

Հեռախոս՝ 055 777 828

Էլ.փոստ՝ armavirmunicipality.procurement@gmail.com

Գնումների համակարգող՝ Մ. Համբարյան

Գնման ընթացակարգի ծածկագիրը և առարկան՝ «ՀՀ Արմավիրի մարզի Արմավիր քաղաքի թիվ 4 մանկապարտեզ» ՀՈԱԿ-ի կարիքների համար՝ կահույքի ձեռքբերման նպատակով հայտարարված N ԱՔ-Թ4Մ-ԳՀԱՊՁԲ-21/1 ծածկագրով գնանշման հարցման ընթացակարգ:

ԲՈՂՈՔ

Գործի հակիրճ նկարագրությունը և բողոքի փաստերը.

«ՀՀ Արմավիրի մարզի Արմավիր քաղաքի թիվ 4 մանկապարտեզ» ՀՈԱԿ-ի կարիքների համար կահույքի ձեռքբերման նպատակով 2021թ. հունվարի 15-ի ժամը՝ 15:21-ին հայտարարված N ԱՔ-Թ4Մ-ԳՀԱՊՁԲ-21/1 ծածկագրով գնանշման հարցման ընթացակարգին (այսուհետև՝ Ընթացակարգ) մասնակցության հայտ է ներկայացրել «ՋԱՏԵԳՇԻՆ» ՍՊԸ-ն: Հայտերի բացման օր է հանդիսացել՝ 2021թ. հունվարի 22-ը: «ՀՀ Արմավիրի մարզի Արմավիր քաղաքի թիվ 4 մանկապարտեզ» ՀՈԱԿ-ի 2021թ.-ի գնումների պլանի 2021 թվականի հունվարի 15-ի փոփոխությամբ հաստատվել և հրապարակվել է Ընթացակարգով ձեռքբերվող առարկաները նախատեսված ֆինանսական միջոցներով (կցվում է), որը gnumner.am կայքում (այսուհետև՝ Կայք) հրապարակվել է 2021 թվականի հունվարի 15-ին ժամը՝ 15:10-ին, վերջինս հիմնավորելու համար կցվում է համակարգչից արտատպված համապատասխան էջը, որում արտացոլված է Ընթացակարգի հայտարարության և հրավերի, ինչպես նաև գնումների պլանի համապատասխան փոփոխության հրապարակման օրերը և ժամերը: Ընթացակարգի հրավերը հանդիսանում է Կայքում հրապարակված հրավերների օրինակելի ձևը, սակայն որում առկա են նաև այնպիսի օրենսդրական հղումներ, որոնք տվյալ Ընթացակարգի համար արդեն իսկ կիրառելի չեն, մասնավորապես Գնումների մասին ՀՀ օրենքի (այսուհետև՝ Օրենք) 15-րդ հոդվածի 6-րդ մասով սահմանված դրույթները, քանի որ.

1) ֆինանսական միջոցները արդեն իսկ գնումների պլանի համապատասխան փոփոխությամբ նախատեսված են եղել և վերջինս հրապարակվել է ավելի շուտ, քան Ընթացակարգի հայտարարությունն ու հրավերը (ընդ որում՝ տվյալ փոփոխության մեջ առկա չէ նշում Օրենքի 15-րդ հոդվածի 6-րդ մասով կատարվող գնումների մասին, մինչդեռ նախնական գնումների պլանում առկա է տվյալ նշումը, որոնք նույնպես կցվում են),

2) Ընթացակարգի հրավերով սահմանված է գնման ժամանակացույց, որտեղ նշվել է ձեռքբերման պայմանը՝ մատակարարումը պետք է իրականացվի մինչև 01.03.2021թ.,

3) Ընթացակարգի հրավերով սահմանված է վճարման ժամանակացույց աճողական կարգով նշված համապատասխան տոկոսներով, ինչպես նաև գնումների պլանով նախատեսված համապատասխան հոդվածներով:

Ընթացակարգի գնահատող հանձնաժողովը 2021 թվականի հունվարի 22-ի թիվ 2 արձանագրության (կցվում է) 4-րդ կետով որոշում է կայացրել կիրառել Օրենքի 15-րդ հոդվածի 6-րդ մասով և ՀՀ կառավարության 2017թ. մայիսի 4-ի N 526-Ն որոշմամբ հաստատված «Գնումների գործընթացի կազմակերպման» կարգի (այսուհետ՝ Կարգ) 40-րդ կետի 5-րդ մասի բ. պարբերությամբ սահմանված դրույթները, բանավոր կերպով հիմնավորելով, որ հրավերում առկա են նշված հղումները, այդ իսկ պատճառով կիրառելի են, սակայն կոպտորեն խախտվել է մեր կազմակերպության իրավունքները գնումների մրցակցային պայմաններում, քանի որ որոշ չափաբաժինների մասով, մասնավորապես՝ 1-ին, 5-րդ, 6-րդ, 8-րդ և 10-րդ չափաբաժինների մասով, մեր կազմակերպությունը հանդիսացել է բավարար հայտեր ներկայացրած մասնակիցների թվից նվազագույն գին առաջարկած մասնակից, որին պետք է առաջին տեղ զբաղեցնող ճանաչեր տվյալ չափաբաժինների մասով, միջոցով խախտելով օրենսդրության պահանջները Ընթացակարգը չի կազմակերպել գնման գործընթացի միասնական կանոններով՝ մրցակցային, թափանցիկ, համաչափ և ոչ խտրական հիմունքներով, ինչի արդյունքում բողոքարկմամբ փորձում ենք վերականգնել մեր կազմակերպության իրավունքները և շահերը, ինչը մեր կազմակերպության գործողության կամ անգործության հետևանքը չէ, ուստի նաև մատակարարման ժամկետը խնդրում ենք հետաձգել:

Բողոքի հիմքերը և հիմնավորումները

Հանձնաժողովի արձանագրությունը և որոշումը կայացվել է Օրենքի խախտումներով, ինչը չի բխում ՀՀ գործող օրենսդրության պահանջներից: Այսպես խախտվել է Օրենքի 3-րդ հոդվածի 2-րդ մասի 1-ին կետով, 15-րդ հոդվածի 6)-րդ մասով, 26-րդ հոդվածի 1-ին մասի 5)-րդ կետով և 34-րդ հոդվածի 2-րդ մասի 1)-ին կետով, Կարգի 14-րդ կետի 5)-րդ ենթակետով, 16-րդ կետով, 27-րդ կետով և 40-րդ կետի 5)-րդ ենթակետով սահմանված պահանջները:

Օրենքի 3-րդ հոդվածի 2-րդ մասի 1-ին կետով սահմանված է, որ.

«2. Գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.»:

Օրենքի 15-րդ հոդվածի 6)-րդ մասով սահմանված է, որ.

«6. Մինչև ֆինանսական միջոցներ նախատեսվելը սույն օրենքով սահմանված կարգով կարող է կնքվել պայմանագիր՝ պայմանով, որ դրա շրջանակներում գնում կարող է կատարվել անհրաժեշտ ֆինանսական միջոցներ նախատեսվելու դեպքում: Սույն մասի համաձայն կնքված պայմանագիրը լուծվում է, եթե այն կնքելու օրվան հաջորդող վեց ամսվա ընթացքում պայմանագրի կատարման համար ֆինանսական միջոցներ չեն նախատեսվել: Սույն մասը կարող է կիրառվել, եթե՝

1) պատվիրատուն չի կարողանում նախապես կանխատեսել (հաշվարկել) գնումների համար անհրաժեշտ ֆինանսական միջոցների չափը.

2) ապրանքի մատակարարումը, աշխատանքի կատարումը կամ ծառայության մատուցումը պետք է սկսվի տվյալ գնման համար ֆինանսական միջոցներ նախատեսվելու պահից հաշված այնպիսի ժամկետում, որի ընթացքում գնման մրցակցային որևէ ձևի կիրառումը ժամկետի առումով անհնար է: »:

Օրենքի 26-րդ հոդվածի 1-ին մասի 5)-րդ կետով սահմանված է, որ.

«1. Պատվիրատուի ղեկավարի հրամանով ձևավորվում է գնահատող հանձնաժողով, որը՝

5) որոշում է գնման ընթացակարգի հաղթողին (հաղթողներին):»:

Օրենքի 34-րդ հոդվածի 2-րդ մասի 1)-ին կետով սահմանված է, որ.

«2. Առաջին տեղը զբաղեցրած մասնակիցը որոշվում է՝

1) բավարար գնահատված հայտեր ներկայացրած մասնակիցների թվից՝ նվազագույն գնային առաջարկ ներկայացրած մասնակցին նախապատվություն տալու սկզբունքով»:

Կարգի 14-րդ կետի 5)-րդ ենթակետով սահմանված է, որ.

«14. Գնահատող հանձնաժողովը՝

5) որոշում է գնման ընթացակարգի հաղթողին (հաղթողներին)»:

Կարգի 16-րդ կետով սահմանված է, որ.

«16. Գնման գործընթաց սկսելու համար գնման առարկան պետք է ներառված լինի գնումների պլանում: Գնման պահանջի ծագման օրը պետական գաղտնիք չպարունակող գնումների դեպքում հաստատված կամ փոփոխված գնումների պլանի հրապարակման օրն է, իսկ պետական գաղտնիք պարունակող գնումների դեպքում՝ գնումների պլանի հաստատման կամ փոփոխման օրն է: Եթե տվյալ տարվա ընթացքում գնումների սկզբնական պլանում չներառված, լրացուցիչ գնումը կատարելու համար նախատեսվում են ֆինանսական միջոցներ, ապա գնումների պլանում կատարվում է լրացում»:

Կարգի 27-րդ կետով սահմանված է, որ.

«27. Եթե գնահատող հանձնաժողովը չի ապահովում Գնումների մասին Հայաստանի Հանրապետության օրենսդրության պահանջների կատարումը, ապա քարտուղարը դրա մասին հայտնի դառնալու օրը գրավոր զեկուցում է պատվիրատուի ղեկավարին, որը՝

1) զեկուցագիրը ստանալու օրը՝

ա. հրամանով կասեցնում է հանձնաժողովի գործունեությունը: Եթե կասեցման հրամանով այլ ժամկետ նախատեսված չէ, ապա հանձնաժողովի գործունեությունը կասեցվում է մինչև երեք աշխատանքային օրով,

բ. հանձնարարում է պատվիրատուի իրավաբանական ծառայությանը մինչև կասեցման ժամկետի ավարտը տալ իրավական եզրակացություն: Իրավաբանական ծառայությունը կարող է եզրակացություն տալու համար պահանջել և ստանալ լրացուցիչ նյութեր.

2) իրավաբանական ծառայության գրավոր առաջարկի հիման վրա հարցի վերաբերյալ մասնագիտական եզրակացություն ստանալու նպատակով կարող է դիմել իրավասու (մասնագիտացված) մարմինների: Նման դեպքում հանձնաժողովի գործունեության կասեցման ժամկետը երկարացվում է մինչև եզրակացություն ստանալու օրվան հաջորդող աշխատանքային օրը, ինչի կապակցությամբ պատվիրատուի ղեկավարի կողմից ընդունվում է հրաման.

3) իրավական եզրակացությունն ստանալուց հետո հրամանով՝

ա. հանձնաժողովի գործունեությունը վերականգնվում է, եթե իրավական եզրակացությամբ զեկուցագիրը համարվել է անհիմն, կամ

բ. հանձնարարվում է գնահատող հանձնաժողովին, ըստ իրավական եզրակացության, վերանայել հանձնաժողովի որոշումները: Զեկուցագիրը և իրավական եզրակացությունը կցվում են արձանագրությանը»:

Կարգի 40-րդ կետի 5)-րդ ենթակետով սահմանված է, որ.

«40. Հայտերի բացման և գնահատման նիստում՝

5) հանձնաժողովը հրավերի պահանջների նկատմամբ բավարար գնահատված հայտեր ներկայացրած մասնակիցներից որոշում և հայտարարում է ընտրված և հաջորդաբար տեղեր զբաղեցրած մասնակիցներին»:

Գտնում ենք, որ «ԶԱՏԵԳՇԻՆ» ՍՊԸ-ի կողմից ներկայացրած հայտը բավարար գնահատված հայտեր ներկայացրած մասնակիցների թվից՝ նվազագույն գնային առաջարկ ներկայացրած մասնակցին նախապատվություն տալու սկզբունքով Ընթացակարգի 1-ին, 5-րդ, 6-րդ, 8-րդ և 10-րդ չափաբաժինների մասով պետք է ճանաչվեր առաջին տեղը զբաղեցրած մասնակցից:

Հաշվի առնելով վերոգրյալը և ղեկավարվելով Օրենքի 46-րդ հոդվածով, 50-րդ հոդվածի 1-ին և 2)-րդ մասերով և 7-րդ մասի 1)-ին կետով, 8)-րդ մասով և 51-րդ հոդվածով

Խնդրում եմ

1. Որպես միջանկյալ ընթացակարգ՝ կիրառել ժամանակավոր միջոցներ Ընթացակարգը կասեցնելու մասին:

2. Դադարեցնելու.

- Ընթացակարգի գնահատող հանձնաժողովի 22 հունվարի 2021թ. թիվ 2 արձանագրության 4-րդ կետով կայացրած որոշումը,

- պայմանագիր կնքելու մասին որոշումը,

3. Ընթացակարգի գնահատող հանձնաժողովին հանձնարարել «ՋԱՍԵԳՇԻՆ» ՍՊԸ-ի կողմից ներկայացրած հայտը Ընթացակարգի 1-ին, 5-րդ, 6-րդ, 8-րդ և 10-րդ չափաբաժինների մասով ճանաչի առաջին տեղը զբաղեցրած մասնակից,

4. Պատվիրատուին հանձնարարել պայմանագրի կատարման ժամկետը հետաձգել:

Կից ներկայացնում եմ

1. Բողոքարկման վճարը կատարված լինելը հիմնավորող փաստաթղթի պատճենը,

2. Ընթացակարգի գնահատող հանձնաժողովի 22 հունվարի 2021թ. թիվ 2 արձանագրության պատճենը,

3. Բանակցությունների հրավերի գրության պատճենը,

4. Գնումների նախնական և հետագա պլանների փոփոխությունների պատճենները,

5. պայմանագիր կնքելու մասին որոշումը,

6. gnumner.am կայքից համակարգչով արտատպված հայտարարության և հրավերի ինչպես նաև գնումների պլանի փոփոխության հրապարակման համապատասխան էջը:

ԲՈՂՈՔ ԲԵՐՈՂ

«ՋԱՍԵԳՇԻՆ» ՍՊԸ-ի տնօրեն՝



Վահրամ Փանոյան